

۵۵  
۷۱۰

توسک

بُورای مِلّی مَحَلّی سَنَی حَکومت

مُتخاف و کالتی شَیخ المَکدَن

عدد : ۲۲



# تریوی - رو حیات لابوراتواری

B. M. M.	
Kutuphanesi	
Es. No	1339 : 210
Romiz	A.C. 114

مردی :

مصطفی رمی

۵۰ ج  
۱۱۱۶

تألیف و ترجمه هیئتتجه قبول اولوغشدر

استانبول — مطبعة عامره

۱۳۳۹



تورک  
وَلَا مَلِكَ مَجْلِسِی حُکُومَتِی  
مُحَافَظَةِ الْوَلَايَةِ شَرِيفَاتِ  
عدد : ۲۲

# تربیی - روحیات لابوراتواری

عردی :

70-195

مصطفی رمعی

700309

تألیف و ترجمه هیئت هیئت قبول اولونشددر

استانبول — مطبعة عامره

۱۳۳۹



## مقدمه

اسکی پداغوزی، چوجغك نه یامسی لازم اولدیغنی آرادی . فقط چوجق نه یاپه بیلیر، نه یه قابلیتی واردر ؟ بونی آرامادی . بناءً علیه چوجقلرك شو ، شو ، علملری بیلرسی لازم ، دییهرك بویوك انسانلرك ذهینتی ایله چوجقلره درس پروغراملری یاییلدی . بو پروغراملرك ، چوجقلرك ذهینته موافق اولوب اولمه دینی دوشونولمادی . درسلك ، چوجقلرك ذهنلری ایله متناسب اولوب اولمه دینی کوسره جك آلدی بر واسطه ، بر اولچو یوق ایدی ؛ اول امرده چوجغك قوه ذهینه سنی اولچمكه مخصوص بر اولچو لازم ایدی . مریبلره ، بوله بر اولچو یی آنجق روحیاتخیلر ویره بیلیردی . فقط اسکی روحیات دخی ملکات ذهینه یی اولچمك بر شیئه مالک دکل ایدی .

روحیاته ، اولچو ، حواس اولچوسی واسطه سیله کیردی . بوباده اولا روحیاتخیلر دکل ، هیئت ، فیزیق و فیزیولوژی علماسی مشغول اولدی .

انکلتره هیئت شناسلرندن بر ذات ، بر ییلدیزك مثلا اون بش دقیقه ۱ ثانیه کچرك افقده کوروبیله جکینی حساب ایتدکدن صوکره کیفیتی معاوننه تبلیغ ایتدی . معاونی کورده مه مش ایدی . ایی ترصد ایتمه یور ، دییهرك معاوننه یول ویردی . قوه باصره نك هرفرده آیری آیری اوله جنی ، چوق زمان صوکره آکلایشیلدی .

آلمانیا ده فیزیولوژی علماسندن دو قنور (وهر Weber) ، خسته لری اوزرنده وزن احتسaslری آرادی . احتساسك ، تحریك مقداری ایله مساوی اوله رق آرتمه دینی کوریدی . احتساس ، تحریکدن ده ا بطی بر صورتده تراید ایدیور . بوکا (وهر قانونی) دنیلدی . (۱۸۳۴)

فیزیق و ریاضیات علماسندن آلمانالی (فخنه ر Fehner) ؛ (وهر) قانونه بر شکل ریاضی ویرهرك احتساسات نسبت عهدی ؛ و تحریك ایسه نسبت هندسی اوزرنده تراید ایدره ، دیدی (۱۸۶۰) .

روحیاته اولچو ، (لیپزینگ) ده پروفیسور (ووند Wundt) طرفندن کتیریلدی . دنیاده

ایلك اول ، پسیقولوژی لابوراتواری ۱۸۷۸ ده لپیژنده (ووند) طرفدن آچیلدی .  
(ووند) ، پسیقولوژی به اولجو کتیریوردی . پسیقولوژی (کینی) لکدن چیقار (کی) لکه  
کیریوردی .

(۱۸۸۳) ده آلمانیا (نیهینگ هاووز) ؛ (تصرف اصولی) ایله حافظه یی اولچدی .  
ایلك اول فردك روحی فوطوغرافی آلمق ایستیان (۱۸۹۰) ده آمریقالی (کاتل =  
Cattell) در . بوذات ؛ سامعه ، باصره ، قوه عضلیه ... کبی بش ، آلتی شی ایله فردك  
قیمت عمومیه سی حقنده بر حکم ویرمک ایسته دی . فقط بو ، موسیقی به ، رسمه ، حساب ،  
محاکمه به ... اهلیت کبی احوال روحیه عالییه ، ذکابی تقدیر ایده میوردی . حالبوکه  
اصل ذکابی اولچمک لازم ایدی .

بارسده (ینه) ؛ ( آنورمال = عذرلی ) چوجقلر مخصوص بر مکتب تأسیسه  
مأمور ایدیلدی . (نورمال) لر آراسنده ( آنورمال) لری آیرمق لازم ایدی . چوجقلر  
درجه ذکالینی بیلمک ایجاب ایدیوردی .  
(ینه) اولاً؛ چوجقلرک ذکاسنی آنترپولوژی ، وقوه عضلیه ایله بولمق ایسته دی .  
بونکله برقیجه الله ایده مه دی .

صوکره بیکلرجه چوجقلر اوزرنده تخریبانده بولونه رق مکتب معلوماتنه استاد ایتمه  
صرف ذکابه عائد اولان - ذکا مقیاسنی ترتیب ایتدی . وبونکله چوجقلرک ذکاسنی  
اولچمکه باشلادی .

بعده ملکات روحیه دن هر برینه مخصوص مقیاسلر ، اولچولر ترتیب ایدیلدی ،  
وایدیلکده در . بویله لکه پداغوژی به اولچو کیردی . شمعی «فلان» یاشده کی چوجقلر  
شونلری بیلمسی لازم در . اونلرده شو پروغرامی تطبیق ایده لم ، دینزدن اول چوجقلر  
ملکات روحیه سی ، یورغونلغه قابلیتلینی اولچمک واکا کوره پروغرام یاییلمق ایجاب  
ایدیور .

\*  
\*

اون بش ، یکریمی سنه دن بری (تریبوی روحیات) ، اولچو ایله پک زیاده اوغرا-  
شمده در . بوندن مقصد : اوکزده اولان هر هانکی برچوجغک ملکاتجه (و-طی) می ،  
(اوستون) می ، (کری) می اولدیغنی آکلامق در . هر یاشدن پک چوق چوجقلر اوزرنده

متعدد تجربہ لری یا بیلد قدن سو کره هر یاش ایچون، ملکاته مخصوص ، (وسطی) لری ترتیب  
اولونه بیلیر . هر ملکات کندینه مخصوص بو (وسطی) جدول لری یا بمقده در .  
بو رساله ده کی تجربہ لری آلات وادواته نسبة آ ز محتاج اولان و جنوده ژان زاق ووصو  
(تربوی روحیات) لا بورا توارینده ا ک زیاده یا بیلا ندر در که وقتیه اوراده آسیستان ایکن  
قید و ضبط ایتمش ایدم . برده بو خصوصده پروفیسور (ریبا قوف) لک (تربوی - روحیات  
آرامه لری) اصولی واطلسی وارد در که اونک نشری ده مصمم در .

---

## بدن اولچوسى

بدنك مختلف قىسىملىرىنى اولچىمىك ايچىن متعدد آلتنىر موجود اولوب بولنىركى كىمىشورلرندىن بىرى دوكتور (غودەن) كىكىدر [۰]. بۇ آلتنىر ايله شونلر اولچولور :

۱. بوى . چوچوق آلتنىر تىخىمىسى اوزىرىنە تام برىشاقولى وضعىتىدە دىكىلىر . باسنى دە آرقىيە ويا اوكة بوكىوب دىك طوتار . چوچىك آرقىيە طرفى، آياقلىرىدىن يوقارىيە قدر آلتنىر طايانمىش بولنور . چوچوق بۇ وضعىتىدە ايكن آلتنىر متحرك قىسمىنى يوقارىدىن آشاغىيە طوغرى ايندىرىز و ، صاچلىرى چوق ايسە آرقىيە لايىرق، تام تېسە طوقوروز . آلتنىر اوزىرىدە بويىنىك نە قدر اولدىغى كوروروز .

۲. قىسىم علياى بدن . آلتنىر تىخىمىسى اوزىرىنە اوتوز ساتى مترە ارتقاعىدە براوطوراق قونەرق چوچوق بونىك اوزىرىنە اوطورور . بدننىك قىسىم علياىنى دىك طوتار ؛ صول ايله عمود فقزىنىك آشاغىدىن اوچىنچىسى اوزىرىنە وصاغ ايله دە چىكسە طايانير . آلتنىر اوزىرىدە چوچىك قىسىم علياى بدننىك نە قدر اولدىغى كورولور .

۳. كوكىك قطر عمقىسى . آلتنىر ساتى مترولى بر پارچەسى اوزىرىدە ايكنى متحرك دىكنىك واردىر . بۇ دىكنىكلر بىرىنك اوچىنى ، كورەك كىمىكلرىنىك بر شىدىكى برە، يعنى كوكىك چقورنىق قوز . دىكىرلە دە آرقىدە تام مقابل نقطەيە طوقونوروز . ايكنى دىكنىك آرسىدە قالان محل ، كوكىك قطر عمقىسىنى كوستىر . بۇ ، بر كره حال طىبعىدە ايكنى، بر كره دە ممكن اولدىغى قدر چوق هواىى ايچىرىيە آلمىش بولنور ايكنى اولچولور .

۴. وسعت صدر . آنفاً ذكر اولنان ايكنى متحرك دىكنىك دن بىرى بر قولتوق آلتنىر، دىكىرى ، دىكىر قولتوق آلتنىر قونەرق اولچولور .

۵. باشك قطر عمقىسى . متحرك ايكنى دىكنىك دن بىرى جېھە اوستە ، دىكىرى اكسەنىك آرقىيە طوغرى كى چىقىنىتلى نقطەسە قونەرق اولچولور .

۶. باشك قطر عرضىسى . متحرك ايكنى دىكنىك دن هر بىرى ، باشك صاغ وصول طرفىك كى چىقىنىتلى ، مقابل ايكنى نقطەسە وضع اولنەرق اولچولور .

[\*] بۇ آلتنىر ، جنورە دە ژان ژاق روسو مؤسسە سىندە . صالاقەدەر . مؤسسەنىك آدرسى :

( Institut J. J. Rousseau Genève )

۷ . باشك قطر شافوليسى . متحرك ايكي د كنكدن برى ، قولاق دليكي حذاسنه ، ديكرى تپه به قونه رق اولجولور .

۸ . قولك محيط اعظميسى . بر شريد ايله ، ديرسكه ياقين اولان اك شيشمان يرك محيطى اولجولور .

۹ . قولك محيط اصغرىسى . عين شريد ايله بيلهكك اك اينجه محيطى اولجولور .  
۱۰ . ثقلت . بونك ايچين غراملىرى كوسترن بر باسكول واردر . كوچوك ايسه چيلاق وبيوك ايسه بالكز ديزلك ايله وزن اولتور ؛ ديزلك طارمى اخراج اولتور .  
مملكتمزده هنوز بدن اولجولورى يابيله رق وسطى لرتنظيم ايدهلامشدر . ممالك اجنيه به عايد وزن وبوى وسطيسى جدولى بروجه آنى درج اولتور :

### وزن وسطيسى

اوغل		نولده . ياشنده	قىز	
كيلو	گرام		كيلو	گرام
۳	۲۰۰		۲	۹۱۰
۱۰		۱	۹	۳۰۰
۱۲		۲	۱۱	۴۰۰
۱۳	۱۰۰	۳	۱۲	۴۵۰
۱۵	۷۰	۴	۱۴	۱۸۰
۱۶	۷۰۰	۵	۱۵	۵۰۰
۱۸	۴۰	۶	۱۶	۷۴۰
۲۰	۱۶۰	۷	۱۸	۴۵۰
۲۲	۲۶۰	۸	۱۹	۸۲۰
۲۴	۹۰	۹	۲۲	۴۴۰
۲۶	۱۵۰	۱۰	۲۴	۷۴۰
۲۷	۸۵۰	۱۱	۲۶	۲۵۰
۳۱		۱۲	۳۰	۵۴۰
۳۵	۳۲۰	۱۳	۳۴	۶۵۰
۴۰	۵۰۰	۱۴	۳۸	۵۰۰
۴۶	۴۱۰	۱۵	۴۱	۳۰۰
۵۳	۳۹۰	۱۶	۴۴	۴۴۰



اوغل		تولدده	قیز	
کیلو	گرام		کیلو	گرام
۵۷	۴۰۰	۱۷ یاشنده	۴۹	۸۰
۶۱	۲۶۰	» ۱۸	۵۳	۱۰۰
۶۳	۳۲۰	» ۱۹	۵۳	۷۸۰
۶۵		» ۲۰	۵۴	۴۶۰
۶۸	۲۹۰	» ۲۵	۵۵	۸۰

بوی وسطیسی

اوغل		تولدده	قیز	
مترو			مترو	
۰,۴۹۶		۱ یاشنده	۰,۴۸۳	
۰,۶۹۶		» ۲	۰,۶۹۰	
۰,۷۹۶		» ۳	۰,۷۸۰	
۰,۸۶۰		» ۴	۰,۸۵۰	
۰,۹۳۲		» ۵	۰,۹۱۰	
۹,۹۹۰		» ۶	۰,۹۷۴	
۱,۰۴۶		» ۷	۱,۰۳۲	
۱,۱۱۲		» ۸	۱,۰۹۶	
۱,۱۷۰		» ۹	۱,۱۳۹	
۱,۲۲۷		» ۱۰	۱,۲۰۰	
۱,۲۸۲		» ۱۱	۱,۲۴۸	
۱,۳۲۷		» ۱۲	۱,۲۷۵	
۱,۳۵۹		» ۱۳	۱,۳۲۷	
۱,۴۰۳		» ۱۴	۱,۳۸۶	
۱,۴۸۷		» ۱۵	۱,۴۴۷	
۱,۵۵۹		» ۱۶	۱,۴۵۷	
۱,۶۱۰		» ۱۷	۱,۵۰۰	
۱,۶۷۰		» ۱۸	۱,۵۴۴	
۱,۷۰۰		» ۱۹	۱,۵۶۲	
۱,۷۰۶		» ۲۰	—	
۱,۷۱۱		» ۲۵	۱,۵۷۰	
۱,۷۲۲			۱,۵۷۷	

## نمای بدن [\*]

چو جقلرك نماى بدن ، معین بر صره تعقیب ایتموب زیقزاقلی در . یعنی بعض دوره ده نما ، دیگر دوره دن ده ها زیاده در . بو ، برچوجنی هراوچ آیده بر منتظماً وزن ایتک وبوی اولچولمک ایله میدانله چیقاریله بیلیر . نمانک بو بردن بره صیچرامه دوره لری احوال مختلفیه کوره دیکشیر : عرقه ( جنوب اقوامی چابوق بو یور ) ، شرائط اجتماعیه ، احوال صحیایه و علی الخصوص جنسه کوره تبدل ایدر . بوی ایله وزنك نما لری ده عین زمانده وقوع بولماز .

اولا بوی تدقیق ایدلم : ایلک سنده بوی ، چوق اوزار . صوکرآ آلتی ، یدی یاشنه قدر بریطائت عارض اولور ؛ بعده یکیدن اوزار ، فقط آز دوام ایدر . صوکرآ نماى سنوی حد اصغریسنی ابراز ایچین اون ایکی یاشنه قدر کیندکجه اینر ؛ بعده اون بش یاشنه قدر یکیدن بردن بره اوزار . نهایت سکون بولور ؛ ۳۰-۴۰ یاشنه قدر حس ایدلمیه جک صورتده تراید ایدر .

وزنك ترایدی ایسه ؛ اون بش یاشندن اعتباراً ( بوی ) ککندن ده ها زیاده در . چوجق ایلک سئلرده وزن دن زیاده بویه چکر ؛ فقط اون بش یاشندن اعتباراً بوی حد اعظمیه و یا حد اعظمی تقریسنه واصل اولدینی حالد و زن ، مهم ترایده باشلار . رشید ، بویدن زیاده ، وزنه چکر ، شیمانلار .

نماده بونا کھانی ترایدلر ، بردوره رکودت واستراحتدن صوکرادر ؛ یعنی چوجق ، برمدت بیومن ، صوکرآ بردن بره بویونیویرر . ایشته بو بردن بره ترایدلر ، نمانک برر دوره استراحتدن صوکرادر . صانکه بو استراحت ، ده ها شدتله صعود ایلکه حاضر لائق ایچین در . شدتلی صعوددن صوکرآ ، یورولمش کبی نماى بدن استراحت طالار .

بو بردن بره صیچرامه لرك صوکنجیسی پک شدتلی در . بودوره ، هر زمان هر کسک نظر دقتی جلب ایلکه اوکا برنام مخصوص ویرلش در : بلوغ (اعضای جنسیه نك دوره کاله ایرمسی زمانی) .

بعضیلرنده نماى بدن صیچرامه سی بردن بره ، بعضیلرنده آغیر آغیردر . نمانک

[\*] ( قلاپاره د ) لك تجربی پداغوژیسندن .

بوصیچرامه‌لری نه درجه‌یه قدر طبیعی در؟ متناسباً دوام ایدن برنمایی، یوقسه عارضه‌لی، بردن بره‌لی تمامی ای در؟ مقایسه ایده‌جک وسائط اولمدینی ایچین قطعی جواب ویریه میور. نماتک بردن بره صیچرامه‌لرینک غیرطبیعی اولدیغنه حکم ایتدیره‌جک هیچ برشی ده یوق. بونک ایچوندرکه متعدد چوجقلرک نمای بدنندن تشکیل اولنان برمنحنی (Courbe) چوق آرز یقزاقلی در. حال بوکه تک برچوجقلک نمای منحنیمی، پک چوق یقزاقلی در. چونکه متعدد شخصلردن پایلان منحنیده، بو منحنینی تشکیل ایدن اطفالدن بعضلری نماسنک صیچرامه دورده‌سی، دیگر چوجقلرک نماسی دوره استراحتنه تصادف ایده‌رک یقزاقی تعدیل ایتمکده در. بو، هرشنه کوره تحول ایده‌رک اولدجه عمومی، بریمتی حائر اوله‌جق اولان، مختلف سن و دوره‌لر ایچین منحنیلر تأسیسنه مانع اولمقده در. نما اشخاصه کوره تحول ایلدیکی کبی، جنسه کوره ده‌ها زیاده تبدل ایدر: قیزلرک نماسی، کرک وزن، کرک بوی جهندن اولسون ارکک چوجقلرک نماسی کبی ایسه‌ده ده‌ها آرز قوتلی، ده‌ها آرز یقزاقلی و علی‌الخصوص چوق ده‌ها زیاده وقتندن اولدر: ارکک چوجقلرده یدی یاشه طوغری باشلایان دوره ثانیه صابوتک (بوی) صیچرامه‌سی؛ قیزلرده آلتی یاشنه طوغری ویا ده‌ها اول باشلار. ارکک چوجقلرک بلوغی اون بش یاشنده باشلادیغی حالده قیزلرک بلوغی ۱۱، ۱۲، ۱۳ یاشنه طوغری باشلار. دیگر تغییر ایله قیزلر ایله ارککلرک نماسی برقوشویه بکزر؛ قیزلر وارککلر عین زمانده قوشمغه باشلارلر. قیزلر ابتدا سبق ایدرلر. سوکرا رقیملری اونلره یتیشیر وکچر. فقط قیزلر یکیدن سبق ایدرلر. ونهایت مسابقه‌یی قیزلر قازانیرلر.

بومعلوماته استناداً شمده نمای بدنک باشلیجه منزللرینی تعیین ایله بومنزله اسم ویره‌لم:

ارکک	قیز	
۱ صابوت	۷ یاشنه قدر	۶-۷ یاشنه قدر
۲ طفولیت	۷-۱۲	۷-۱۰
۳ بلوغ	۱۲-۱۵	۱۰-۱۳
۴ رشد	۱۵-۱۶	۱۳-۱۴

بومنزله، بو بویوک ارتجاجلر، مواسم کبی اسباب خارجی‌دهن زیاده، اسباب درونی نتیجه‌سی اولدیغی آکلاشیلیور. ارتجاجات تالیله ایسه تمام منحنی‌نی هر زمان خفیف خفیف طالع‌لاندرمقده در.

مواسمه نظراً نمانك تحولی تحریری ، مكتب خواجهلری طرفندن تدقیق و مطالعه ایدلمی در . معلم چوجقلرك بونی اولچمك ایچین ، دیواره مترو وساتیم اشارتی یابه بیلیر . وزن ایچین ده قولای در . هرابکی ویا اوچ آیده بر بوکوک چوک عملیه اجرا اولونورسه ، سنه مکتبیه نك هانکی موسمنده نما صیجرامه سی وقرعه کلدیکی آکلا شیلیر .

مواسمك نما اوزرینه اولان تأثیری مسئله سی ، هنوز دردست مناشه در ، ترصدا ت بوکا توافق ایتمامکده در . مع مافیه بمضلرینه کوره نما ، یاز آیلرنده ، بمضلرینه کوره ایه ایلاک و صوک بهار آیلرنده زیاده در . بوندن باشقه وزن ایله بونی ده تفریق ایتمك لازم در . قوپهاغ دیاسز - صاغیر مکتبی مدیری ( مالینغ هانسن Malling Hansen ) ك پك صبورانه اولان تحریاتی - ۱۳۰ شا کردی ، اوچ سنه ، مرکون اولچدی - کوستریورکه وزن ایله بویك نملری آراسنده بر منابوه واردر : وزن بالخاصه صوک بهارده چوق آرتار ؛ قیش و بهارده آزددر ؛ یازین ایله تماماً حال رکودنده در . بوی ، بونك تمامیه عکسنه در : بویك نمای اعظمیسی یازین ، نمای اصغریسی صوک بهار ، نمای متوسطی ده بهارین در . فقط بو ، شمال ممالکی چوجقلری اوزرینه یاییلان نجارب نتیجه سی در . بزم اقلیمزده ده ممکن اولدیغی قدر چوق چوجقلر اوزرنده تحریاتده بولونمق ایله مسئله نك حلنه چالیشیله بیلیر .

سنه ظرفنده نمانك تحولاتی مسئله سی مربی ایچین فائده سز دکل در . فی الحقیقه بونکله ، بوتحولات طبعی می ؟ یوقسه مکتبک آزه ، چوق ، مضر تأثیری اولیورمی ؟ حل اولنور . بومسئله بی حل ایتمك ایچین :

یا مکتبه کیمیان چوجقلر ایله مکتبه منتظماً دوام ایدن چوجقلرك هر موسمه کی نملری تحولاتی ، ویا مختلف مکتبلره دوام ایدن چوجقلرك نملری تحولاتی مقایسه ایتمك لازم در .

صوریون دارالفنونی روحیات لابوراتواری مدیری متوفی ( آلفرد ینه ) ، بونی ، فمالیت عضویه ایله موازی کیدن بر حادثه خصوصیه بی ، اشتها بی بتون سنه مکتبیه ظرفنده تدقیق ایتمك صورتیه مطالعه ایتدی . ( یننه ) به کوره اشتها ، اکک صرفیاتی ایله اولچوله بیلیر . بوتحریات فرانسه دارالمعلمینلرنده اجرا اولتدی : مكتب طرفندن هرکون صاتون آلان ما کولات مقداری ایله ، یومی صرف اولنان مقداری کوسترمن دفتر اساس اتخا ایدلدی . قیمت غذائیله لری نقطه نظرندن ما کولات

بلك مختلف اولمقله (پینه) بونلردن مكمل برغدا وسنهك هر زمانده موجود واشتها  
ایچین اولدقجه طوغری بر مقیاس اولان اككى انتخاب ایتدی . فی الحقیقه چوق آج  
ارلنجه اككك اوسته دوشولور . (پینه) كوردیكه، تحصیل كونلرنده اككك صرفیائی  
آزالور ؛ بوندن استدلالاً دینایوركه مساعی ذهنیه عظیمه ، اشتہائی آزالدیور .  
بلجیقادہ (شویتن Schuyten) ده بویله بر تخری اجرا ایدہرك یاز آیلرنده اككك  
صرفیاتك آزالدیغنی كوردی . نمای اطفال ، دها زیادہ یاز آیلرنده تزايد ایلکله یازین  
اشتہانك آزالسی موجب حیرتدر . چونكه تزايد نما ، دها چوق براشتہا نتیجہسی اولمق  
لازم کلیردی . حال بوكه ماوقع ، بونك عكسنہ . بناءً علیہ نماك یاز آیلرنده دها زیادہ  
تزايد ایلسنہ ، هنوز حل اولنماش وغیر قطعی ، اسباب وار [\*] .

(شویتن Schuyten) مکتبی جنایتله اتہام ایدر : مکتبک نما اوزرینہ مضر تأثیری  
وار ، دیور . بو ، پكدہ واضح اوماقله برابر ، صحیح اولمق امکافی ده بید دکلدر .  
بوامکان دركه بوقیل تخریاتك اهمیت عظیمہ سنی کوسترر . بناءً علیہ مکتب معلملرینك  
نمای بدن تسمیل ایدہ جك صورتده حرکت ایللری لازمدر .

کوزمعاینہ ی : چوجنك ای کوروب کورمدیکنی آکلامق ایچین هر کوزلکجیده  
بولنان واوزرنده حروفات محرر اولان تابلو قولانلایر . حروفات ، مختلف بویوکلکده  
یازلمش اولوب یوقاریدن آشاغییه طوغری ایندجکه حرفلر کوچولور وهر صرمنك یانی  
باشنده حال طبعییده کی برکوزك اوصردہ کی حرفلری قاج مترودن کورہ بیله جکی مرقمدر .  
سیاه تختیه علی الساده یازیلان بیوکلکده کی حرفلری آتی مترودن اوقویہ ییلن  
چوجقلرک کوزلری حال طبعییده در . کوزلری بوزوق اولان چوجقلره کوز هکیمی  
طرفدن کوزلك وریلیر .

دالتونیزم ؛ (داه دالتون) . مبتلا اولانلر ، بالخاصہ یشیل ایله قرمزنی یی بربردن  
فرق ایدہ منلر . مختلف رنگلی یوکل ایلککلردن (چیلہ) لر یاپه رق چوجنك اوکمنہ  
قونور و بونلری رنگلرینہ کورہ آیرمسی تنیہ اولنور . دالتونیزم اولان بالخاصہ یشیل  
و قرمزنی چیلہ لری بریرہ قور .

[\*] یارین آز غدا یه احتیاجك سبی ، حرارت نمریزیه احتیاجك آزالدیغندن دکلدر عجباً ؟  
دیہ انسان کندی کندینہ صوراییلیر . فقط (شویتن Schuyten) بالتدقیق آکلادی کی عملہك  
استهلاکات غدا یه سی یازین تزايد ایدیور .

### استعمال اولئانه چیلر :

- ۴ چفت درت درلو قرمزی
- ۲ » ایکی درلو صاری
- ۴ » درت درلو یشیل
- ۴ » درت درلو ماوی
- ۲ » ایکی درلو اسمر
- ۲ » ایکی درلو قهوه رنکی
- ۱ چفت زیتونی
- ۱ چفت منکشه رنکی
- ۱ » بیاض
- ۱ » سیاه

رنکاری تفریق ایتمک مهم اولدینی کبی دکز چیلرله شمندوفر چیلر ایچین - قرمزی ویشیل فنارلر قوللانغله - الزم در .

قوللانمعا بنه سی : بونک ایچین اوچ اصول وارددر : ساعت . آشانی سسله سویلک . سیمون اصولی .

ساعت : چوجق بزه آرقه سی دوش بولونور ؛ بش ، آلتی مترو مسافه ده جیب ساعتی المزد طوته رق ساعتک تیق تیقنی ایشیدوب ایشتمدیکنی صورارز . ایشتمورم ، دیرسه تقرب ایده رز . بوضورتله نرده ده ، یعنی نه مقدار اوزاقلقدن ایشیده بیلدیکنی بولورز . حال طبیعیده کی قولانگ اوچ مترو مسافه دن ساعتک تیق تیقنی ایشتمعی لازم در . بوضورتله مقبول دکل در . چونکه چوجنی قونترول ایده جک هیج برشینه مالک دکلز . آشانی سسله فیصیلدانه رق سویلک : چوجق آرقه سی دوش اولدینی حالده کندینه یدی مترو مسافه دن آشانی سسله رقلر ، کله لر ویا جمله لر سوبانیر . چوجق ، طویدیغنی تکرار ایده جک در .

بوعمله بر کره بر قولاق - بواننده چوجق دیگر قولانغی پارماغیله ایجه قاپار - ، برکرده دیگر قولاق و برکرده هراکیسی ایچین یاییلیر .

اون قدر چوجغه یدی مترو دن فیصیلدایه رق سویلکله ، املا یازدیره رق سامعه لری معاینه اولنور . بویله لکله صنفک سامعه معاینه سی آرزمان ظرفنده اجرا ایدلمش اولور . سیمون اصولی : بونک ایچین اوچ ساری وارددر :

### برنجی سری

- ۱ جدول نخته‌سی (طولی اون سانتیم ، ثقلی اوچ غرام)
- ۲ چکمه‌جه آناختاری (یکرمی بش غرام آغزلنده‌در)
- ۳ برمجیده
- ۴ ساعت جامی ( ۴ سانتیمترو قطرنده‌در )
- ۵ هیچ برشی .

### ایکله‌جی سری

- ۱ منطاردن برشیشه طاباسی .
- ۲ برچیوی ( یوواردلانماسی ایچین آکریلدیلش‌در ) .
- ۳ تیکل بریش باره‌لق .
- ۴ برقورشون قلبی پارچه‌سی (درد غرام آغزلنده‌در . یوواردلانماسی ایچین دیرسکلی اولملی‌در ) .
- ۵ هیچ برشی .

### اوهنجی سری

- ۱ طوبلی ایکنه
- ۲ برکبزی
- ۳ برغروش
- ۴ برلاستیک
- ۵ هیچ برشی

برماصنه‌ک اوزرینه آلتی سانتیمتره ارتفاع حاصل ایده‌جک اوست اوسته، مثلا ایکی کتاب قورز فونک اوزرینی مندیله اودترز . بوارتقاعدن ، ذکر اولنان موادی ، ماضنه‌ک اوسته دوشوره‌جکیز ؛ فقط چوخقلرک دوشن‌ماده‌نی کورماملرینی تأمین ایچین اوکده برمقوا طونارز .

تجربه‌یه باشلامه‌دن اول شوايضاحاتی ویرمیلدر: « ای برقولاغه مالک اولوب اولمديغکزی

آكلامق ايجين سزك ايله كوچك بر تجربه يابه جنم . شمدي ماصه نك اوزرينه بر طاقم شيلر دوشوره جكم ؛ سز ، دوشون شيلرك حاصل ايتديكي تيقيردي يي ايشيده رك دوشون ماده نك نه اولديغني سزه وريدكم كاغذك [\*] اوزرينه ، نومروسي حذاسه يازم جقسكز . چوق يوكسكدن دوشميه جكي ايجين بواشياء ، چوق تيقيردي حاصل ايتيه جك . بناء عليه دقت ايتكلككز لازم . اي دبكايكز .

« اولا شونلري دوشوره جكم (آلشملي ايجين كوزلري اوكنده بردفمه دوشورولور) : برجدول ، برچيبي ، برمجيديه ، بر ساعت جامي .

« شمدي مقوا آرقه سنده صاقل اولديغني حالده بواشيان قاريشيق بر صره ايله دوشوره جكم ؛ هر دوشورركن نومرولريني سويليه جكم . سز كاغذ اوزرينه ، سويانن نومرو حذاسه يازم جقسكز . سزه شويله ديه جكم :

« دقت ! (نومرو ۱) ديدكدن صوكرا برشي دوشوره جكم ، سز برنجي ستونده بر نومرو حذاسه ، دوشون شيك نه اولديغني يازم جقسكز . صوكرا (نومرو ۲) ديه رك باشقه برشي دوشوره جكم . سز عين ستونك ۲ قسمي حذاسه يازم جقسكز الخ . بعضاً هيچ برشي دوشورميه -كم .

هر اوج سه ري سياه تختيه يازملي در .  
اشياء ، آلتی ساتيمتره ارتقاعنده اولان كتابك اوزرندن كناره طوغري ايتيله رك دوشورولملي در .

تجربه يي بابان ، موادي فصل بر صره ايله دوشوره جك ايسه ، مقدا بر كاغذك اوزرينه دوشوره جكي ماده لرك صره سني يزار .

برنجي سه ريده آناختار ايله مجيديه يي بربرينه ، قاريشد يرمق ، شاين مساعده در . ساعت جامي يرينه جدول تختيه يي ايشتمك ده شاين مساعده ايسه ده جدول تختيه يي ، جام ايشتمك دكل در .

ايكنجي سه ريده چيوي ايله قورشون قلمني قارشدير مق ، شاين مساعده در . منطار دوشورولتجه هيچ برشي دوشورولمديكني يازان چوجفك قولاغني ده شاين مساعده اولاييلير . اوچنجي سه ريده طوللي ايكنه ايله كبرتي قاريشد يرمق شاين مساعده در .

[\*] بوكاغذك نمونه سي ( ۱۷ ) نه يي محيفه در .



چو جفك هيچ خطاسی اولماز ويا برخطاسی اولورسه قولانغی اینی در . اوچ ویا دها  
زیاده خطا وارسه اوچو جق ، اینی ایشتمیور ، دیمك در .

يك اینجه اولاره او مېنې سهرمه :

۳ خطالی ایسه ضعیف صاغیر

۵ خطالی ایسه اورته صاغیر

۸ خطالی ایسه صاغیردر .

سامعه معاینه سنده چو جقلره ویریلن کاغذ نمونه سی

اسم	سن	تاریخ
۱	۱	۱
۲	۲	۲
۳	۳	۳
۴	۴	۴
۵	۵	۵
۶	۶	۶
۷	۷	۷
۸	۸	۸
۹	۹	۹
۱۰	۱۰	۱۰
۱۱	۱۱	۱۱
۱۲	۱۲	۱۲
۱۳	۱۳	۱۳
۱۴	۱۴	۱۴
۱۵	۱۵	۱۵

سامعه معاینه سی : بکرمی درت کوچك کوزه منقسم بر قوطی . هر کوزده برر کوچك  
شیشه . شیشه لرده مایع حالنده اون درلو قوقودن مرکب ایکیشر شیشه . چو جق بونلری  
قو قلابه رق ایکیشر ایکیشر آیره جق . شیشه لوك آلتنده چو جفك کورمه جکی بر صورتده ،  
جفته نومرولر یازیلی در . مثلا عادی صوشیشه لرینك آلتنده ۲ رقی وارد در .

نیشه لوده شونلر واردر :

عادى صو

قولونیا

آمونیاك

نانه صوبى

بترين

سر كه

پترول

ترى بانئين

آلقول

كل صوبى

منكشه روحى

كافورى آلقول ( Alcoole camphré )

بك كوچك چوجفك ايجين، كوزلرني باغلايه رق ، طانيديني شيلر، مثلا منكشه ايله  
كل ... قوقلاديه رق نه قوقلاديني سورولور .

لامسه معاينيسى : متعدد بارداقلا ايجنه مختلف درجه ده صيجاق صولر قونور. چوجق  
النى صوقار وهانكيسنك دها صيجاق ويا صفوق اولديغنى سويلر .


ياخود آغزنى قبالى بر طوربه ايجنه چوجفك طانيديني مواددن ( يوكسوك ،  
باره ، سالانفوز قابونى ، كوچك چيوى ، كوچك قاشيق ، چاقى ، بىك ... ) قونور .  
چوجفك كوزلرى باغلانير . بعده چوجق النى طوربه ايجنه صوقارق موادى چيقارير  
واسملرينى سويلر . تجربه يي ياپانك كوزلرى باغلى اولديغى ايجين چوجفك ماده يي ،  
طوقتمقله بيلوب بيلمديكنى آكلار .

ذائقه معاينيسى : چوجفك كوزلرى باغلانير . ديلي اوزرينه صره ايله شكره طوزه..  
وضع اولته رق نه اولدينى سورولور . آنا تى ده تفريق ايدوب ايتديكنى آكلامق ايجين  
مثلا آرز شكرلى ، اورته شكرلى ، چوق شكرلى شيلر ويره لك سورولور .

عضد قونك معاينيسى : بونك ايجين ( دينامومترو ) مستعمل در . بو آلت ،  
چليكدن وقطع ناقص شكلده اولوب آووجك ايجنده تضيق اولتور . درجه تضيق ،

برقادران اوزرنده کورولور . صبقارکن الی اینجیمیه جک صـورتده طوملی در . ال  
اینجیمیه اعظمی قوت صرف اولنه ماز . هرا یکی ال ایله بر برینی متعاقب ، چوق تضییقلر  
طلب اولنه رق هرا لک آیری وسطیسنی آلملی در . تضییقلر مساوی فاصله لرله ـ بشر ثانیه ـ  
یا یسالملی در .

دینامومتر ونک کوچک چوجقلره مخصوص اولانی ۱۷ کیلو غراملق ، و بیوکلره  
مخصوص اولانی ۸۰ کیلو غراملق تضییق قوتنی قید ایدر . یری صاغ ، دیکری صولاله  
مخصوص اولو اوزره ایکی درلودر .



دینامومتر

مکملرک نه مقدار هوا استیعاب ایدر بیلرکی : بونک ایچین ( سپیرومتره ) قوللانیلیر .  
بر قاج درلو سـپیرومتره واردر . الک بسیطی ، درجه لی عمودی محور اطرافنده  
دری طوربه وبوکا منتهی بر بوری . چوجق ، ممکن اولدینی قدر چوق هوا جکرلرنده  
ایکن سپیرومتر ونک بوزوسنی آغزینیه آله رق تدریجاً هوایی سپیرومتره طوربایی  
ایچنه سوق ایدر ؛ بو طوربه یوقاری به طوغری چیقهرق محور اوزرنده محرر ارقام  
اوزرنده ایلیر . چوجق ، حکرلرنده کی هوایی تماماً ، آلت دروننه سوق ایتدکدن  
صوکر ا بوزویی ، آغزندن چیقارارق ، همان پارماغی ایله بورونک آغزینی قاپار . عمودی  
محور اوزرنده ، جکرلرینک قاج لیره هوا استیعاب ایدر بیلرکی اوقونور .

مسابیت بیلرکی : بونک ایچین ( هسته زیومتره ) قوللانیلیر . هسته زیومتره ایکی درلودر :  
۱) Veber پرکاری : بونک ایکی سیوری اوجی اولوب تقرب و تباعد ایدرلر


وآره لری میلی مترولی درجانه منقسمدر . چوچنگ کوزلری باغلانیر. جلده، عین زمانده ایکی سیوری اوج ایله بردن ، طوقونوله رق چوچغه صورولور :

— براوجی ایله می طوقونیورم، ایکی اوجی ایله می؟ هسته زیومترونی جلدک اوزرندن قالدیریرکنده عین زمانده قالدیرمغه اعتنا ایتلی در .

فرض ایدم که چوچق، آلتک ایکی اوجی آره سی یدی، آلتی، بش میلی متره ایکن طوغری حس ایدیور ، اووقت  $۷ + ۶ + ۵$  یازیلیر .

درت میلی متره دن یا کلش حس ایدرسه - یعنی ایکی اوجی ایله طوقونولدینی حالده بر حس ایدرسه - ۴ یازیلیر .

چوچق، بعض کره بر حس ایلدیکی حالده ایکی اوجی ایله طوقونیورسکمز، دیر . بونی



(شواله) قرونوسقونی

تفتیش ایچین آلتک اوجنجه بر سیوری اوجی واردرکه آره صره بونکله طوقونوله رق صوریلیر :

— برمی، حس ایتدیکنز؟ ایکیکی ؟


بو تفتیش نتیجه سنده آ کلاشیلیرکه چوچق بر سیوری اوج ایله طوقونولدینی حالده بعض کره ایکی اوجی حس ایتدم ، دیر .

( ۲ ) قیل هسته زیومترو : صفر ایله ۴۰ میلی متره آره سنده درجانه منقسمدر . صفر ایله طوقونلجه حس ایدلیور . بر ، ایکی ، اوج . . . درجه لک اوزرنده طور دیریلوب طوقونورلرسه حساسیت جلدیه به کوره اوج، درت ، بش . . میلی متره ده حس ایدیور . بو حس ایتدیکی اک کوچوک درجه به أشیک ( Seuil ) دینور .

سرعت حرکت : بونی اولچمك ايچين ايكي اصول واردد :

۱) نقطه آتمه . چوجق ، قورشون قلمی ایله کاغذك اوزرینه اوتوز ثانیه مدتله . نقطه لر آتار . ایشته شویله : ( . . . . . ) تجربه برکزه صاغ ، برکزه صول . ال ایله اجرا اولنور . هرابیكی لك اوتوز ثانیه ده آتدینی نقطه لك مقداری آیری آیری قید اولنور .

۲) Evald قرونوسقوبی . قرونوسقوب ، تللر ایله بر الکتریک آکومولاتورینه مربوطدر . چوجق ، قرونوسقوبك قادراتنی کورمن اولدینی حالده ، قرونوسقوبه تل ایله مربوط بر تلغراف مرسله سی اوزرینه ممکن اولدینی قدر سرعتله اوتوز ثانیه اورور . ایکنه قادران اوزرنده دور ایدر . تجربه بر کره صاغ ال ایله ، برکرده صول ال ایله یاسیلیر نتیجه آیری آیری قید اولنور .




قابلیت تلقین : بکر می کوچك قوطی . بونلردن بش اولکیلر مختلف وزنده در : غرام ۵۰ ، ۷۰ ، ۹۰ ، ۱۱۰ ، ۱۳۰ ، ۱۵۰ ، ۱۵۰ ، ۱۵۰ . الح . فقط آلتنجی قوطیدن اعتباراً بکرمنجیه قدر هبسی مساوی وزنده در . بویله اولدینی حالده چوجق ، قوطیلری . اله آلوب یوقلادیغنده آلتنجی دن اعتبارآده بش اولکیلر کبی بودها آغیر ، بودها آغیر دیه علی الاکثر اون برنجیه قدر کیدیور و آنجق اون برنجی قوطی دن اعتباراً طوغری . تقدیر ایده بیلور . آلتنجیدن اعتباراً قوطولرک وزنلرینک مساوی اولدینی تخمین ایدن کیسه لر پک آزدرد .


بوحدانه ، ( قابلیت تلقین ) دن ایلری کلیر .

سرعت مرهات :


( رسمك اوزرینه اینجه کاغذ قویه رق قویه ایتمك و کسمك ) . ذکی اولانلر ، علی العوم .




قویہ — ۱



قویہ — ۲



قویہ — ۳



قویہ — ۴

روحآده، بدنآده سریع درلر. مع مافیه بعض کره ذکی اولیانلرده ماده سریع اوله بیلیرلر.  
ایلك اول المانیالی (شترن) وشا کردلری بروجه بالا رسملر قوییه وقطع ایتدیرمکله  
تجربه لر یاپدیلر ونتیجه ده اوچ تیپ بولدیلر :

۱ فوق العاده سرعتله یاپانلر .

۲ اولدجه سرعتله یاپانلر .

۳ آغیر یاپانلر .

بونلرده نه درجهیه قدر ائی قوییه و قطع ایدم بیلدیکی ده اشارت ایدیلیر . نه قدر زمان  
ظرفنده قوییه و قطع ابتدکی آیری آیری قید اولتور . پداغوژی لایبور اتواندنه زمان  
اولجوسی ایچین دایما (قرونومترو) قوللانیلیر .

ایکٲنہ . صورت مخصوصہ احضار اولٲان ورٲہ اوزرنده کی نقطہ لک نام مرکز لری .  
چو جوق ، ایکٲنہ لہ جک . صاغ و رسول اُل ایچین آری آری اولوب ہر ایکٲسنک  
ایکٲنہ مدٲلری کذا آری آری قید اولٲور . بو ورق لری احضار ایدرکن نقطہ لک  
نمونہ کندن بیوک ویا کوچک اولماسنہ ، نام نمونہ کی قدر اولسنہ دقت ایٲلی در . . .

ایشته نمونه :

اسی :

سنی :

تاریخ :

صاغہ ال

A 6x16 grid of dots representing a 16x16 grid. The dots are arranged in a regular pattern, with some dots missing in the top-left corner, forming a triangular shape. The missing dots are in the first three rows and the first three columns.

صوبہ ال

A 6x16 grid of dots. The dot at row 3, column 3 is highlighted in blue. All other dots are black.



جمع عملیه سنی نه قدر سرعت یابینه ممکن . چو جغه ، ایکی ، اوچ ، درت الخ  
خانہ لی رقلر ویردک بونلری ممکن اولدینی قدر سرعتله وطوغری اولق اوزره جمع ایتمی  
سویلنیر . اوچ دقیقه ظرفنده نه قدر یابینه بیلدیکی نظر دقته آئیر . اوچ دقیقه نهایتده  
کاغد الندن آلنهرق تدقیق اولتور . نه قدری خطالی ، نه قدری طوغری اولدینی آیری  
آیری قید اولتور . بو عملیه ؛ طرح ، ضرب و تقسیم ایچونده تکرار اولتور .  
سرعت جمع ، سرعت طرح ، سرعت ضرب ، سرعت تقسیم دییه آیری آیری  
ورقلر طوتولور . ایشته نمونه سی :

### سرعت جمع :

تاریخ	اسم	سن	خطا عدد	طوغری عدد	ملاحظات

سرعت نمبر . چو جغه برجه ویریلرک بردقیقه ظرفنده ممکن اولدینی قدر سرعتله  
یازمسی سویله نیلیر . چو جغه : « یارین صحرایه کیده جکز » جمله سنی ، ( باشلا ) دینجه ممکن  
اولدینی قدر سرعتله تکراراً یاز ؛ ( طور ) دیدیکم زمان ، یازمه . او وقت ، بن ، کاغدی  
آله جغه ؛ دینیر . نمونه سی :









حافظه سمعی معاینه می : چو جغه سکا بر صره حرف سویلیه جگم ، صوکره تکرار ایده جگسک ، دینیر . اون ایکی حرف ، بر دقیقه ظرفده ، بر قاچ کره تکرار ایدیلیر . چو جوق دیکلر ، صوکره حافظه سنده قالان حرفلری تکرار ایدر . صرف بصری ویا سمعی حافظه یوقدر : هر حالده مختلط دور . شو قدر که بعضارنده حافظه بصریه و بعضارنده حافظه سمعیه غالب در .

ترابط افطار : چو جغه : سکا بر صره کله سویلیه جگم . بن کله بی سویلر سویلر ، سنک عقلکه نه کلیرسه سویلیه جگسک ، دینیر . [ اللشیر کله لی ایکی لیسته ترتیب ایدیلیر . برنجی لیسته نك یکر میسی کلمات مشخصه ، یکر میسی کلمات مجردده ، و اونی اسم خاص اوله جق . ایکنجی لیسته نك یکر میسی صفت ، یکر میسی فعل و اونی ادات در ] . بوصورتله چو جغه ترابط افکارک مبتدل ویا ( اوریزینال ) اولدینی آکلاشیلیر . و مختلف تیلر میدان چیقار . چو جغه نطاسنی معاینه : ( بینه - سیمون ) نه سی مستعمل در [\*] .

بوندن بشقه ( رسمالره حکایه ترتیب ایتمک ) اصولی ده واردر . چو جغه هپسی بر آرمیه کنجه بر حکایه چیقان رسملر ، قاریشدر یله رق ، ویریلیر و بونلری او صورتله یان یانه قوی که هیئت مجموعه سندن بر حکایه چیقسن ، دینیر .

وقتی اولمک : بونک ایچین اک فلاسیک اصول ، ( بوردون Baurdon ) طرفندن ایجاد اولسان « بر متنک بعض حرفلری چیزمک » در . متنک ، چو جغه ، حرفلری طانیوب معناسنه واقف اولدینی اساندن اولسی مرجع در . مثلاً بز ، کوچ بر عربی ویا فارسی متنی قوللانه بیلیرز .

چو جغه متن ویریه رک ، ( باشلا ) دینجه بو عبارده بولنان مثلاً ب ، چ حرفلرینک اوزرین یوقاریدن آشاغی چیز ، دیرز . صوکره چیز یله جک حرفلرک عددینی ، اوچه ، درده ابلاغ ایدرز . سکز ویا اون دقیقه بویه حرف چیز دیریز . کیتدکه خطانک نصل بر شکل آلدینی آکلامق ایچین هر دقیقه نهایتده چو جغه ( اشارت قوی ) دیرز ، چو جق اورایه بر بیلدیز اشارتی یاپار . سکز ویا اونجی دقیقه نهایتده چو جقندن کاغدی آله رق تدقیق ایدرز . نه قدر طوغری ، نه قدر یا کش چیز دیک و نه قدر اونوتدینی میدان چیقار . هر دقیقه ده کی خطالری آری آری آکلامق ایسترایسه ک اونلری ده آریجه مطالعه ایدرز .

[\*] علاءالدین بك طرفندن ( ذکاتک . قیاس اصوللری ) نامیله ترجمه و معارف طرفندن طبع اولمشدر .

دقت معاینه سی «حرف چیزمه»

[illegible]

صوك

## مندرجات

صفحه	
۳	مقدمه
۷	بدن اولجوسی
۸	وزن وسطیسی
۹	بوی وسطیسی
۱۰	نمای بدن
۱۳	کوز معاینهسی
۱۳	دالتونیزم
۱۴	قولاق معاینهسی
۱۷	تسامه معاینهسی
۱۸	لامسه معاینهسی
۱۸	ذائقه معاینهسی
۱۸	عضله قوتی معاینهسی
۱۸	جکرلرک نه قدر هوا استیعاب ایتدیکی ؟
۱۸	حساسیت جلدیه معاینهسی
۲۱	» سرعت حرکت
۲۱	» قابلیت تلقین
۲۱	» سرعت مهارت
۲۴	» ایکنمه لومه
۲۵	» سرعت حساب
۲۵	» سرعت تحریر
۲۶	» سرعت قرائت
۲۷	» نه قدر کله بیلدیکی ؟
۲۷	اون بش کله تکراری .



صفحه	
۲۸	اون بش رسم
۲۹	کوردیکی سینی تکرار طانیه بيلمک
۲۹	حافظه بصریه معاینه سی
۳۰	حافظه سمعیه »
۳۰	ترابط افکار »
۳۰	ذکا معاینه سی ( بینہ تہستی )
۳۰	دقتی اولچمک

---